

讀史兵略續編卷之四

益陽胡林翼纂

樂山王兆涵謹校

三年夏四月戊申朱勝非等言臣等召苗傅劉正彥等到都堂諭以今國家多事干戈未弭當急防秋之計睿聖皇帝宜還尊位總萬機苗傅等一皆聽從太后詔曰甚契吾心可依所請勝非乃率百官表請上還宮上始御殿百官起居帝猶未肯入內勝非再請遂就西廊搢笏掖帝乘馬還行宮都人夾道焚香眾情大悅是日呂頤浩張浚次秀州韓世忠以下出郊迓之頤浩謂諸將曰國家艱危君父廢辱一行將佐力圖興復今幸已反正而賊猶握兵包藏姦謀事若不濟必反以惡名加我諸公勉之漢翟義唐徐敬業之事可爲戒也頤浩浚次臨平苗翊馬柔吉以重兵負山阻河爲陳于中流植木爲鹿角以梗行舟翊以

旗招世忠出戰始世忠以劉寶軍非所部乃悉收其家屬詣軍將戰世忠艤家屬舟於岸下率將士當前力戰浚次之光世又次之軍小卻世忠叱其將馬彥溥揮兵以進塗瀼騎不得騁世忠下馬持矛突前令其將士曰今日各以死報國若面不帶幾箭者必斬之頤浩在中軍被甲立水次出入行伍間督戰翊等敗走傳正彥遣兵援之不能進頤浩等進兵北關是夕傳正彥引精兵二千人開湧金門以出命其徒所在縱火遇大雨火不能起遂遁夜尙書省檄諸道捕傳等世忠浚光世馳入城至行宮門世忠欲入其下張介曰不可雖聞二賊已去尙未可知其聞者以聞上步至宮門握世忠手慟哭光世浚繼至並見於內殿上嘉勞久之是日韓世忠手執王世修以屬吏并拘其妻子張浚等言逆臣苗傅劉正彥引兵遁走請行下諸州生擒傳正

彥者白身除觀察使不願就者賞錢十萬縉斬首者依比捕獲
王鈞甫馬柔吉張達苗瑀苗翊並轉七官其餘官兵將校並與
放罪一切不問仍降黃榜曉諭從之

臨平山在杭州府北六十里北關今北新關在府北

十里湧金門府城西門也

御營平寇前將軍范瓊自壽春渡淮遣卒五人之廬州從安撫
使胡舜陟責贍軍錢帛舜陟執殺之遣一騎還報諭之曰將軍
受命北討今棄而南自爲寇吾豈竭生靈膏血以爲汝資宜亟
去不然將厲兵與將軍周旋于城下必盡殺乃止瓊乃止舜陟
又檄諸郡勿給其糧瓊遂自光蘄渡江引兵之洪州屯駐

洪州今南

昌府

上問張浚以方今大計浚請身任陝蜀之事置司秦川而別委
大臣與韓世忠鎮淮東令呂頤浩扈駕來武昌張俊劉光世從

行庶與秦川首尾相應帝然之監登聞檢院汪若海亦曰天下若常山蛇勢秦蜀爲首東南爲尾中原爲脊將圖恢復必在川陝議遂決始除浚招討使左司員外郎李正民言川陝吾境不當以招討名請用唐裴度故事帝是其言浚乃改命帝許浚便宜黜陟親作詔賜之

韓世忠請身往討賊以世忠爲江浙制置使自衢信追擊之世忠入辭請曰臣當撲滅二賊未審聖意欲生得之邪或函首以獻也帝曰殺之足矣世忠曰臣誓生致之顯戮都市爲宗社刷恥時衛士宋金剛張小眼者號有膂力世忠乞以行欲使護俘來上帝壯之酌巨觥以餞世忠世忠引兵發杭州苗傅等聞世忠且至遂引兵趨信州世忠聞之恐其滋蔓閩廣乃自浦城捷出以邀之苗傅寇浦城縣時御營副使司前軍統制王德旣殺

江浙制置司裨將陳彥章欲與世忠戰世忠曰苗劉未平若與之戰乃是更生一敵不如避之夜世忠將至浦城北十里與傅正彥遇於漁梁驛正彥屯溪北傅屯溪南跨溪據險設伏相約爲應世忠率諸軍力戰驍將李忠信趙竭節恃勇陷陳右軍統制官馬彥溥馳救死之賊乘勝至中軍世忠瞋目大呼挺矛而入正彥望見失聲曰吾以爲王德乃韓將軍也正彥少卻世忠揮兵以進正彥墜馬世忠生擒之盡得其金帛子女傅棄軍遁去苗瑀收餘卒得千六百人進破劍浦縣又犯虔州事聞再贈彥溥武成軍節度使諡忠壯先是朝散郎劉晏在正彥軍中傅使統赤心隊晏謂其部曲曰吾豈從逆黨反者邪韓制使來吾事濟矣遂率眾歸世忠浦城之戰世忠以晏騎六百爲疑兵於浦山之陽賊見大駭晏以所部力戰世忠上其功遷一官

信州
今廣

信府漁梁驛在浦城西北
五十里劍浦今南平縣

苗翊率眾出降未解甲復從其將孟臯計欲遁之温台裨將江
池聞之殺臯擒翊降於制置使周望其眾皆解甲傳謀與苗瑀
張達收餘兵入崇安縣統制官喬仲福王德共追之盡降其眾
傅夜脫身去變姓名爲商人與其愛將張政亡之建陽縣土豪
承節郎詹標覺而邀之留連數日政知不免密告標曰此苗傅
也標執以告遂檻赴行在

帝以久雨不止召郎官以上赴都堂言闕政中書舍人季陵言
金人累歲南侵生靈塗炭城邑邱墟怨氣所積災異之來固不
足怪惟先格王正厥事則在我者其可忽邪臣觀廟堂之上無
擅命之人惟將帥之權太重宮闈之內無女謁之私惟宦寺之
習未革今將帥位高身貴家温祿厚擁兵自衛浸成跋扈之風

去年禦敵嘗遣王淵桀驚不行改命范瓊心懷怏怏苗劉二賊乘閒竊發豈一朝一夕之故哉逮勤王之師一至錢塘拘占房舍攘奪舟船凌轢官吏侵漁百姓恃功益驕莫敢誰何此將帥之權太盛也比年盜賊殺戮長吏如刳豚殘虐百姓如刈草艾朝廷苟且例許招安未幾再叛反墮賊計元兇之罪罔獲忠臣之憤不雪赤子之冤未報不謀之咎臣意盜賊當之自軍興以來旣結保甲又改巡社旣招弓手又募民兵追呼急於星火割剝侵於肌膚民力竭矣而猶求焉不幾於急乎洪範常寒之證恐或由此帝嘉納之

韓世忠軍還執苗傅劉正彥苗翊詣都堂審驗畢磔於建康市梟其首正彥臨刑瞋目罵傅曰苗傅匹夫不用吾言遂至於此議者欲孥戮之大理少卿王衣曰此曹在律當誅顧其中婦女

言史記卷四
有雇買及鹵掠以從者儻殺之未免無辜帝矍然卽詔自傳正
彥妻子外皆免以韓世忠爲檢校少保武勝昭慶軍節度使賞
平苗劉之功也帝遣使賜世忠金合且御書忠勇二字表其旗
幟又封其妻梁氏爲護國夫人給內中俸以寵之將臣兼兩鎮
功臣妻給俸皆自此始

范瓊入見初瓊在江西右正言呂祉首奏其罪且進取瓊之策
乃召瓊赴行在瓊住軍南昌徘徊觀望詔監察御史陳戢趣其
入覲瓊未拜詔先陳兵見戢且剝人以懼之戢不爲動徐曰將
軍不見苗劉之事乎願熟計瓊乃朝服北向謝恩遂引兵赴闕
旣至未肯釋兵及入見面奏乞貸左言等朋附苗劉之罪又言
招到淮南京東盜賊十九萬人皆願聽臣節制帝怒張浚奏瓊
大逆不道罪惡滿盈臣自平江勤王凡五遣人致書約令進兵

瓊皆不答今呼吸羣兇布在列郡以待竊發若不乘時誅戮他日必有王敦蘇峻之患帝許之浚退與劉子羽謀夜鎖吏於浚府中使作文書皆備朝退僞遣都統制張俊以千人渡江若捕他盜者因召俊瓊及杜充赴都堂計事使俊將其眾甲以來瓊從兵滿街意氣自若食已頤浩等相顧未發子羽坐廡下遽取寫敕黃紙詣前曰有敕將軍可詣大理置對浚數瓊罪瓊貽愕遂以俊兵擁縛付大理使光世出撫其眾曰所誅止瓊耳若等固天子自將之兵也眾皆投刃曰諾於是復以八字軍還付王彥而餘兵分隸御營五軍時大理少卿王衣奉詔鞠瓊瓊不伏言者又論瓊逼遷上皇擅戮吳革迎立張邦昌等事章下大理衣具以責之瓊詞服乃賜瓊死親屬將佐並釋之獄吏殺瓊瓊猶不肯吏以刀自缺盆插入叫呼移時死其弟及三子皆流嶺

南

缺盆在喉之下胸之上

以戶部侍郎宣撫使司參贊湯東野兼知建康時建康寓治保甯僧舍而制置使韓世忠屯蔣山逐守臣連南夫而奪其治寺殿中侍御史趙鼎言南夫緩不及事固可罪然世忠躬率使臣排闥而入逐天子之京尹此豈可訓請下詔切責世忠而罷南夫仍治其使臣之先入者此爲兩得上曰唐肅宗與靈武諸軍草創得一李勉然後朝廷尊今朕得卿無愧昔人也乃降南夫知桂州而以東野知建康府戍兵故皆羣盜喜攘奪市井東野峻法繩之不少縱民恃以安

蔣山卽鍾山在江甯府城外東北

張浚至興元上奏曰漢中實天下形勢之地號令中原必基於此謹於興元積粟理財以待巡幸願陛下早爲西行之謀前控六路之師後據西川之粟左通荆襄之財右出秦隴之馬天下

大計斯可定矣浚治兵興元欲易置陝右諸帥於是諸路帥臣悉用武人矣張浚又以王彥爲利州路兵馬鈐轄浚初至漢中問諸將以大舉之策彥曰陝西兵將上下之情皆未相通若少有不和則五路俱失不若且屯兵利閬興洋以固根本若敵人來侵則檄諸將帥互爲應援以禦敵若不捷亦未至爲大失也時浚之幕客皆輕銳聞彥之言相視而笑彥以言不行求去故浚因而授之

興元漢中府也利今廣元閬今保甯興今略陽洋今洋縣

金人攻黃州守臣直龍圖閣趙令晟死之先是張用屯光州境內沿淮爲柵上下百里盡收禾稼入寨中儲蓄甚富光州患之及敵聞隆祐皇太后駐南昌欲自蘄黃濟乃遣精騎五百直攻其寨用之眾數萬悉奔散金人遂焚用積聚徑趨黃州敵之未至也令晟以內艱去詔移州治武昌縣命下而令晟起復前一

日辰刻敵攻黃州守衙軍校晏興得其木笥鑿頭箭遣軍士潘明浮江白令晟令晟視之驚曰金兵也夜半以官軍渡江入黃金人治兵攻城翼日城破令晟在西壁被執金猶欲降之令晟大罵曰汝輩殺害生靈我雖死不屈金人飲以酒令晟揮之又衣以戰袍令晟罵不絕口遂敲殺之令晟守黃踰再歲羣盜李成丁進張遇貴仲正之徒俱不能犯至是卒以節死事聞贈徽猷閣待制諡曰忠愍

金人自黃州濟江初金人得岸下小舟其數不多乃毀民居爲筏以舟引之而行金人遂渡江凡三日濟江盡絕時江東宣撫使劉光世在江州日與朝奉大夫韓杞置酒高會無有知敵至者比知之以爲蘄黃閒小盜遣前軍統制王德拒之于興國軍始知爲金人至遂遁隆祐皇太后退保虔州前數日江西轉運

司得報敵騎至大冶縣未辨虛實會光世馳輕騎以聞翼日乃知敵至滕康劉珪共議奉太后及近上妃嬪陸行餘皆舟行百官從便路起發司勳員外郎馮檣貽書光世勸以出兵掩敵大略言金人深入最兵家之忌又進則拒山退則背江百無一利而敢如此橫行者以前無抗拒後無襲逐如入無人之境故無所忌憚非敵之能也觀村人之強壯者尙敢與之敵其閒勝負亦或相半豈有國家素練之兵反不如者但望風畏之耳實不足畏也太尉儻選精兵萬人厚立賞格自將而來洪州等處援救開一路令歸伏兵于前而掩之可使匹馬不還光世不能用

虔州今
贛州府

帝發越州次錢清堰夜得杜充敗書帝如浙西迎敵侍御史趙鼎力諫以爲眾寡不敵不若爲退避之計帝謂呂頤浩曰事迫

矣若何頤浩曰金人以騎兵取勝今鑾輿一行皇族百司官吏兵衛家小甚眾皆陸行山險之路糧運不給必致生變兼金人既渡浙江必分遣輕騎追襲今若車駕乘海舟以避敵既登海舟之後敵騎必不能襲我浙江地熱敵亦不能久畱俟其退去復還二浙彼入我出彼出我入此正兵家之奇也帝沈吟久之曰此事可行卿等熟議遂定策航海

錢清江在紹興府南

金人破越州安撫使李鄴遣兵邀於浙江三捷既而眾寡不敵鄴乃用袁潭計遣人賁書降敵引兵入城以巴哩巴

舊作琶入今改爲

守親事官唐琦袖石擊巴哩巴不中詰之答曰欲碎爾首死爲趙氏鬼耳巴哩巴曰汝殺我奚益胡不率眾救汝主琦曰在是汝爲尊故欲殺汝耳巴哩巴歎曰使人人如此趙氏豈至是哉琦顧鄴曰汝享國厚恩今若此非人也聲色俱厲不少屈巴哩

巴殺之後爲立祠名旌忠

金陝西諸路都統洛索將數萬眾圍陝府守將李彥仙悉力拒之初彥仙在陝增陴浚隍利器械積糧食鼓士氣且戰且守人心益堅固可用又嘗渡河與金人戰蒲解閒民皆陽從金人而陰歸彥仙敵必欲下陝州然後併力西向彥仙亦自料金人必併兵來攻卽遣人詣宣撫處置使張浚求三千騎俟金人攻陝卽空城渡河趨晉絳并汾搗其心腹金人必自救乃由嵐石西渡河道鄜延以歸浚不從浚貽書勸彥仙空城清野據險保聚俾敵無所掠我亦無傷俟隙而動庶乎功成彥仙亦不從守城之意益堅至是洛索尼楚赫及知府州折可求合兵來攻彥仙以死拒之且告急於浚

四年正月甲辰大風御舟碇海中乙巳午西風忽起金人乘之

攻明州浙東制置使張俊與守臣徽猷閣待制劉洪道坐城樓上遣兵掩擊殺傷相當金人奔北墮田間或墜水俊急令收兵赴台州是夜金人拔寨去屯餘姚且請濟師於宗弼帝遣中使召浙西制置使韓世忠赴行在世忠已治舟師於通惠鎮乃請往鎮江邀敵歸師盡死一戰帝從之右軍統制岳飛自廣德軍移屯宜興縣杜充之敗也其將士潰去多行剽掠獨飛嚴戢所部不擾居民士大夫避寇者皆賴以免

明州今甯波府通惠鎮一作青龍鎮在青浦縣

金陝西都統洛索破陝府守臣右武大夫甯州觀察使李彥仙死之金自去冬以重兵來攻彥仙守禦甚備遇士卒有恩食既盡煮豆以啖其下而取汁自飲至是亦盡宣撫處置使張浚間道遣以金幣使犒其軍且檄都統制曲端以涇原兵往援端素疾彥仙出已上無出兵意浚屬官資陽謝昇言于浚曰敵朝夕